

Na osnovu Okvirnog sporazuma „Revizije glavnih i izvedbenih projekata rekonstrukcije i rehabilitacije saobraćajnica, (Elaborat o dimenziranju kolovozne konstrukcije), kao i projekata Saobraćajne signalizacije i opreme puta, Saobraćajnih analiza i sl., projekata izmještanja podzemnih instalacija, projekata javne rasvjete,urbanog mobilijara, hortikluture, u periodu juli 2019. do 31.12.2020.“ broj: 04-14-27350-OS/19 od dana 18.11.2019.godine i na osnovu člana 32. Zakona o javnim nabavkama u BiH („Službeni glasnik BiH“ br. 39/14) između sporazumnih strana zaključuje se

## U G O V O R   I I I

za usluge: „**Revizije glavnih i izvedbenih projekata rekonstrukcije i rehabilitacije saobraćajnica, (Elaborat o dimenziranju kolovozne konstrukcije), kao i projekata Saobraćajne signalizacije i opreme puta, Saobraćajnih analiza i sl., projekata izmještanja podzemnih instalacija, projekata javne rasvjete,urbanog mobilijara, hortikluture, u periodu juli 2019. do 31.12.2020.**“

### UGOVORNE STRANE:

**DIREKCIJA ZA PUTEVE KANTONA SARAJEVO**, ulica Hamida Dizdara broj 1 Sarajevo, koju zastupa direktor Selmir Kovač dipl.ing.saob (u daljem tekstu:Naručilac)

i

„**IPSA INSTITUT**“ d.o.o. Sarajevo, ul. Put života bb, ID broj: 4200032270003, koga zastupa direktor Enko Hubanić (u daljem tekstu: Izvršioc),

### PREDMET UGOVORA

#### Član 1.

Predmet ovog ugovora su *uслугe „Revizije glavnih i izvedbenih projekata rekonstrukcije i rehabilitacije saobraćajnica, (Elaborat o dimenziranju kolovozne konstrukcije), kao i projekata Saobraćajne signalizacije i opreme puta, Saobraćajnih analiza i sl., projekata izmještanja podzemnih instalacija, projekata javne rasvjete,urbanog mobilijara, hortikluture, u periodu juli 2019. do 31.12.2020.“*, u svemu prema Okvirnom sporazumu broj: 04-14-27350-OS/19 od 18.11.2019. godine, postupku javne nabavke provedenog putem otvorenog postupka i Tabele revidovanih projekata koje čine sastavni dio Ugovora.

#### Član 2.

Predmet ugovora definisan je zahtjevom Naručioca (tabela revidovanih projekata), specifikacijom i tenderskom dokumentacijom.

### CIJENA I NAČIN PLAĆANJA

#### Član 3.

Ugovorne strane su saglasne da je ukupna cijena ovog Ugovora definisana prihvaćenom ponudom i iznosi

**3.217,50 KM sa pdv-om**  
(slovima: **trihiljadedvijestotinesedamnaest i 50/100 KM**)  
**2.750,00 KM bez pdv-a**

Ugovorene strane su saglasne da je utvrđena cijena fiksna i nepromjenljiva. Ugovorna cijena sadrži kompletne troškove koji su u vezi sa izvršenjem ugovornih obaveza iz ovog ugovora uključujući sve neposredne i posredne troškove.

Cjenovnik utvrđuje se na temelju jediničnih cijena iz ponude, po vrstama poslova.

#### **Član 4.**

Ugovorne strane su saglasne da će se plaćanje po ovom ugovoru izvršiti u skladu sa odredbama tenderske dokumentacije i potpisanog ugovora, u roku od 60 dana od dana prijema računa/ fakture.

Plaćanje se vrši na račun ponuđača naveden u ponudi.

#### **ROK ZA IZVRŠENJE**

##### **Član 5.**

Izvršioc se obavezuje da će poslove koji su predmet ovog ugovora izvršiti u skladu sa ugovorenim obimom i utvrđenom dinamikom u roku definisanim projektnim zadacima i nalogima izvršioca počevši od dana potpisivanja ugovora.

Izvršioc ima pravo da zahtjeva produženje roka za izvršenje u slučajevima kada je to opravdano, u slučaju nastupanja izvanrednih okolnosti koje onemogućavaju izvršenje po predviđenoj dinamici.

Opravdanim razlozima za produženje roka smatraju slučajevi koji se ne mogu u dovesti u vezu sa odgovornošću Izvršioca (prirodne nepogode više sile (poplave, zemljotresi, sl), geološki, hidro-klimatski uslovi, mjere predviđene aktima nadležnih organa, nastanak uvjeta koji nisu predviđeni tehničkom dokumentacijom i sl). U slučaju eventualnog nastanka osnova za podnošenje zahtjeva za produženje roka Izvršioca je dužan zahtjev podnijeti prema naručiocu po hitnom postupku u odnosu na momenat nastupanja nepredviđene okolnosti.

#### **GARANTNI ROK I KAZNA ZA NEBLAGOVREMENO IZVRŠENJE**

##### **Član 6.**

Garantni rok za izvršeni posao definiše se u skladu sa pravilima struke računajući od dana okončanja posla.

Izvršilac se obavezuje da održava kontinuitet i dinamiku izvršenja svojih obaveza, kako bi se posao završio u roku određenim ovim Ugovorom.

U slučaju zakašnjenja u normalnim uslovima Naručilac će tolerisati Izvršiocu prekoračenje roka od 2 (dva) dana od ugovorenog roka.

Za svaki dan zakašnjenja završetka preko 2 (dva) dana Izvršioca će platiti Naručiocu kaznu u iznosu 0,1% ugovorene vrijednosti za svaki naredni dan zakašnjenja. Maksimalna kazna za kašnjenje je 5% od ukupno ugovorene vrijednosti posla.

U slučaju kada Ugovorni organ ocjeni opravdanim produženje roka, ili kada potreba produženja roka nastane bez krivice i odgovornosti Izvršioca a, pomenuta kazna se ne zaračunava.

#### **OBAVEZE IZVRŠIOCA**

##### **Član 7.**

Izvršioc se obavezuje:

- izvršiti sve ugovorene obaveze u potpunosti a kako je to predviđeno specifikacijom/predmjerom i ostalim priložima koji čine sastavni dio ugovora,
- ugovorene poslove obaviti u skladu sa važećim propisima i pravilima za tu vrstu posla, kao i zahtjevima naručioca navedenim u specifikaciji i pozivu za ponudu,
- garantovati kvalitetno izvršenje, i
- održavati kontinuitet i dinamiku izvršenja svojih obaveza i u ugovorenom roku izvršiti posao iz predmeta ovog ugovora.
- u svemu postupati prema nalogima naručioca ujedno poštujući odredbe pozitivno pravnih propisa, ovog ugovora.

U slučaju neispunjenja ugovornih obaveza i povrede dinamike rada Izvršioc odgovara za svu učinjenu nastalu štetu načinjenog propusta.

#### **Član 8.**

Ukoliko Izvršioc ne izvodi posao u skladu sa zahtjevanim kvalitetom, odnosno važećim tehničkim propisima, standardima, smjernicama i usvojenoj dokumentaciji, Ugovorni organ ima pravo da obustavi daljnje izvođenje posla i da od Izvršioca zahtjeva da u datom primjerenom roku koji definiše naručioc otkloni nedostatke.

Ukoliko Izvršioc ni u naknadno utvrđenom roku ne izvršava ugovorne obaveze, Ugovorni organ može raskinuti ugovor i posao ustupiti drugom Izvršiocu.

Izvršiocu se neće platiti posao koje bude izvodio nakon pismenog naloga Ugovornog organa kojim se nalaže obustava i isti je odgovoran je za sve posljedice koje mogu proisteći iz osnova nepridržavanja obustave.

Izvršioc se neće platiti ni poslovi koji nisu izvršeni prema nalogu, tehničkoj dokumentaciji, standardima, smjernicama i pravilima. Naručilac ima pravo da Izvršiocu odbije dio naknade od iznosa fakture za nekvalitetno i nepotpuno izvedeni posao.

Sve štete nastale usljed neizvršenja posla, nekvalitetnog, neblagovremenog, neadekvatnog i nepotpunog izvršenja, kao i štete prema naručiocu i trećim licima, za koje je odgovoran Izvršioc, nadoknaditi će sam Izvršioc.

Na osnovu pismenog izvještaja o neizvršavanju ugovornih obaveza naručioc može raskinuti ovaj ugovor i tražiti naknadu prouzrokovane štete.

#### **Član 9.**

Izvršioc je dužan poslove izvoditi u skladu sa usvojenom tehničkom dokumentacijom, pozitivnim zakonskim propisima, važećim tehničkim propisima, standardima i smjernicama i pravilima struke.

### **OBAVEZE NARUČIOCA**

#### **Član 10.**

Naručioc se obavezuje :

- pravovremeno uputiti prigovore na eventualne propuste a koji nisu u skladu sa Ugovorom i ponudom,
- uredno izvršiti plaćanje,
- pravovremeno izvršavati svoje obaveze po ugovoru,
- isplatiti naknadu prema odredbama Ugovora.

### **USTUPANJE POSLA**

#### **Član 11.**

Izvršioc nema pravo ustupiti ugovorene poslove u cijelosti ili djelimično drugom pravnom licu.

### **VIŠA SILA**

#### **Član 12.**

Ako slučaj više sile potpuno ili djelimično spriječi izvršenje obaveze po ovome ugovoru, ugovorna strana koja se poziva na slučaj više sile obavezna je da obavijesti drugu ugovornu stranu u roku od 3 (tri) dana od nastanka više sile.

## **KORIŠTENJE UGOVORNIH DOKUMENATA I POSLOVNA TAJNA**

### **Član 13.**

Izvršiocu nije dozvoljeno, bez izričitog pristanka Naručioca, objaviti Ugovor u cijelosti ili dijelovima ili informacije primljene od Naručioca. Navedeno se ne odnosi na informisanje ili pristup dokumentaciji svog osoblja ali sve samo u mjeri u kojoj je to potrebno za njihovo izvršavanje Ugovora.

Dokumente i podatke prema ovom ugovoru, Izvršioc i osobe koje se navode u toj odredbi trebaju čuvati kao poslovnu tajnu tokom izvršavanja Ugovora i u daljem roku od dvije godine, te su odgovorni za povredu navedene obaveze.

## **RJEŠAVANJE SPOROVA I MJERODAVNO PRAVO**

### **Član 14.**

Naručioc ima pravo da raskine ugovor ako Izvršioc propusti da izvrši svoje obaveze u toj mjeri da je opravdano očekivati da neće izvršiti kvalitetno ugovorenu obavezu u roku koji bi za naručioca bio prihvatljiv. U tom slučaju ugovorni organ neće platiti Izvršioc onaj dio posla koji je u nastavku rada nemoguće koristiti.

Ugovorne strane će nastojati svaki spor iz Ugovora ili u vezi s izvršenjem istog riješiti pregovorima i u duhu dobrih poslovnih odnosa.

Ako se pregovorima i u duhu dobrih poslovnih odnosa sporovi iz prethodnog stava ne mogu u razumnom roku riješiti, sve sporove iz Ugovora i u vezi s njim, uključujući i sporove koji se odnose na pitanja njegovog valjanog nastanka, povrede ili prestanka, kao i pravne posljedice koje iz toga proističu, konačno će se riješiti pred nadležnim sudom u Sarajevu.

Prava i obaveze ugovornih strana regulisana su pozitivnim zakonskim propisima u BiH.

## **POSEBNE ODREDBE**

### **Član 15.**

Ovaj ugovor ostaje na snazi do potpunog izvršenja ugovorenih poslova. Ugovorene strane mogu sporazumno otkazati ovaj ugovor i prije njegovog izvršenja ukoliko, neovisno od ugovorenih strana, nastupe okolnosti, koje bitno utiču na predmet izvršenja ugovora. U tom slučaju ugovor se raskida ili se prema potrebi zaključuje novi ugovor.

Ugovorne strane su saglasne da Izvođač radova neće zapošljavati fizičke i pravne osobe koje su sudjelovale u pripremi tenderske dokumentacije ili su bile član Komisije za javne nabavke Naručioca ili su u svojstvu stručnog lica bile angažovane od strane Komisije za javne nabavke, i to najmanje šest mjeseci po zaključenju ovog ugovora, odnosno početka realizacije ugovora.

Prava i obaveze ugovornih strana, po ovom Ugovoru u svakom pogledu regulisana su pozitivnim zakonskim propisima BiH.

Sve obaveze vezane za ovaj ugovor biti će sačinjeni u pismenoj formi, uključujući i odobrenja, naloge, uputstva i sl.

## **ZAVRŠNE ODREDBE**

### **Član 16.**

Ovaj ugovor stupa na snagu danom obostranog potpisivanja ovlaštenih predstavnika.

Sastavni dio ugovora je Tabela revidovanih projekata i Projektni zadatak za izradu Revizije projektne dokumentacije .

**Član 17.**

Ovaj ugovor je sačinjen u 6 (šest) primjeraka, od čega svaka od ugovornih strana zadržava po 3 (tri) primjerka.



**IZVRŠIOG:**

Enko Hubanić  
Direktor

**IPSA INSTITUT d.o.o. Sarajevo**

**Broj:** 1559/21  
**Datum:** 11-05-2021

**NARUČIOG:**



Selmir Kovač dipl.ing.saob  
Direktor

**Direkcija za puteve Kantona Sarajevo**

**Broj:** 04-14-27350-U3/19  
**Datum:** 30.04.2021. godine



### TABELA REVIDOVANIH PROJEKATA PREMA UGOVORU III

R.B.	NAZIV PROJEKTA	CIJENA PROJEKTOV ANJA PO UGOVORU (bez PDV-a) (KM)	CIJENA REVIZIJE (bez PDV-a) U SKLADU SA TABELOM IZ PONUDE (KM)	CIJENA REVIZIJE (sa PDV-a) U SKLADU SA TABELOM IZ PONUDE (KM)	DATUM PREDAJE PROJEKTA NA REVIZIJU
1	Izrada projekta potpornog zida sa saobraćajnim rješenjem na lokaciji izgradnje rondona IX transferzale	3.000,00	500	3.585,00	
2	GLAVNI – IZVEDBENI PROJEKAT ZA REHABILITACIJU REGIONALNOG PUTA R447 Dariva - Hreša – granica entiteta (l=cca 5km) dionica I spoj sa M5 do početka saniranog dijela u dužini cca 500m (do starog željeznog mosta); II: parking za autobuse dužine 80m, širine 9m (stac 0+280 do 0+360) dionica III: rezervoar na Brusuljama u dužini 150m – od kraja saniranog dijela do mosta (stac. cca 2+450 do 2+600)	4.100,00	750,00	877,50	NA REVIZIJI OD 16.04.2021
3	Nabavka usluge izrade projektne dokumentacije, projekta rehabilitacije ulice Braće Mulić I Bulevar Mimar Sinan	6.000,00	750,00	877,50	NA REVIZIJI OD 26.03.2021
4	Nabavke usluge izrade elaborata o dimenzionisanju kolovozne konstrukcije (izvođenje potrebnih istražnih radova na terenu I laboratorijska ispitivanja) za potrebe Glavnog projekta rehabilitacije ulice Braće Mulić I Bulevar Mimara Sinana	6.000,00	750,00	877,50	NA REVIZIJI OD 26.03.2021

**UKUPNO:**

**2,750.00**

**3,217.50**





# **PROJEKTNI ZADATAK**

## **za izradu Revizije projektne dokumentacije**

### **1. Opći podaci**

Ugovorni organ: Ministarstvo saobraćaja Kantona Sarajevo - Direkcija za puteve

Predmet zadatka: Revizija projektne dokumentacije

Lokacija: Kanton Sarajevo

Faza: Revizija projektne dokumentacije

### **2. Uvod**

S obzirom na složenost i obuhvat radova rekonstrukcije i rehabilitacije saobraćajnica, a u skladu sa članom 104. Zakona o prostornom uređenju Kantona Sarajevo ("Službene novine Kantona Sarajevo", broj 24/17), Investitor se odlučio za angažovanje pravnog lica, za vršenje revizije datih projekata. Cilj je u konačnici dobiti kvalitetne projekte koje će biti moguće implementirati na što efikasniji način.

### **3. Predmet revizije - projekti na osnovu potreba Direkcije za puteve**

- projekti investiciono – tehničke dokumentacije za izgradnju, rekonstrukciju ili rehabilitaciju puteva, Elaborata o dimenzioniranju kolovozne konstrukcije, i sl.
- projekti Saobraćajne signalizacije i opreme puta, Saobraćajnih analiza i sl.
- projekti izmještanja podzemnih instalacija,
- javna rasvjeta, urbani mobilijar, hortikultura,
- Revident je obavezan obići lokaciju prilikom revidovanja projektne dokumentacije

### **4. Način plaćanja**

Plaćanje će se vršiti prema broju revidovanih projekata. Vrijednost pojedinačnog ugovora, (koji će se kreirati na osnovu zaključenog okvirnog sporazuma za usluge revizije sa odabranim izvršiocom), će se definisati na osnovu ugovorene cijene prema Tabeli – Obrazac za cijenu ponude.

### **5. Rokovi za reviziju:**

Prvi izvještaj Revizije: 7 dana od dana preuzimanja predmetne pojedinačne proj. dok.

Finalni izvještaj Revizije: 7 dana od dana preuzimanja usaglašene pojedinačne proj. dok.

Kumulativni rok: 14 dana za pojedinačnu projektnu dokumentaciju

### **6. Zakonska regulativa:**

Prilikom izrade Revizije projektne dokumentacije potrebno se pridržavati uslova propisanih projektnim zadacima za svaki projekat pojedinačno, te u skladu sa navedenim ovjeriti ispravnost projektne dokumentacije. Zakonska regulativa je navedena u projektnim zadacima a obaveza Revidenta je da se pridržava Zakona o prostornom uređenju Kantona Sarajevo ("Službene novine Kantona Sarajevo", broj 24/17), što se naročito odnosi na sadržaj i označavanje investiciono-tehničke dokumentacije kao i samog izvještaja i ovjere predmetne revizije.

**DIREKTOR**

**Selmir Kovač, dipl.ing.saob.**

